

Edin (Zijo) Begić je rođen 21.03.1990. u Sarajevu, gdje je završio osnovnu i srednju školu, kao i Medicinski fakultet, Univerziteta u Sarajevu. U junu 2018. stekao je zvanje magistra menadžmenta na Ekonomskom fakultetu, Univerziteta u Sarajevu (zajednički program sa Ekonomskim fakultetom, Univerziteta u Zagrebu), a magistrirao je s temom "Modeli integracije privatnog zdravstvenog osiguranja u zdravstveni sistem FBiH", pod mentorstvom Prof.dr. Jasmine Selimović. Doktorski studij, Medicinskog fakulteta, Univerziteta u Tuzli, je uspješno završio s tezom "Odnos CRP-a, aktivnosti faktora hemostaze i sistolne funkcije lijeve komore nakon primarne perkutane koronarne intervencije", pod mentorstvom Prof. dr. Slobodana Obradovića.

Kao ljekar opće medicine je radio u sklopu Doma zdravlja Maglaj, a zatim i završio specijalizaciju iz oblasti "Kardiologije" za Opću bolnicu "Prim.dr. Abdulah Nakaš" u Sarajevu.

Učestvovao je i učestvuje u više kliničkih studija, te je aktivni učesnik velikog broja opservacionih Registara na tlu Evrope, prvenstveno iz oblasti neinvazivne kardiološke dijagnostike, stres ehokardiografije, srčane slabosti i atrijske fibrilacije. Dio je također više naučno-istraživačkih projekata, regionalnog i evropskog karaktera.

Dobitnik je CEEPUS stipendije više puta, kao i nagrade "The International Medical Awards for Medical Research (Best Medical Achievements in Central and Southeastern Europe)" za 2019. godinu, za rad "SOMAScan-based proteomic measurements of plasma brain natriuretic peptide are decreased in mild cognitive impairment and in Alzheimer's dementia patients".

Bio je učesnik i više edukativnih programa, od kojih su najznačajniji "Servier Advanced Cardiovascular School (SACVS) program (under organization of European Society of Cardiology), 2020-2022" i "JACC: Case Reports Reviewer Mentoring Program, organized by American College of Cardiology 2021".

Autor je preko 350 naučnih radova (u formi sažetaka i in extenso radova), kao i šest knjiga. Urednik je časopisa "Sarajevo Medical Journal", "European Heart Journal – Case Reports", te je bio sekcioni urednik u časopisu "Technology and Health Care".